



萊州府志  
(乾隆)

二

ISBN 988-978-316-9



二〇〇六年三月

## 中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇元（全書共三百一冊）

萊州府志卷之六

封建

萊雖僻在海隅然自夏商建國以來食采受封者不絕於茲  
土匪止夜邑之奉爲史氏所後也今按陳志所載歷朝封爵  
搜採甚廣視前志尤備顧其中亦間有附會者悉依史傳訂  
正庶博雅君子毋謂爲耳食日論云

夏

寒邛姓有窮氏之裔也夏時封於寒卽今濰縣之寒亭數傳至  
伯明氏有讒子弟曰浞伯明氏惡之棄於遠裔昇旣篡夏乃  
任浞爲相浞行媚於內而施賂於外以訐慝服衆遂殺昇而

萊州府志

卷之六 封建

代之有夏遺臣靡者奔有鬲氏率夏遺民滅浞立少康而寒國亦廢

過豳姓夏封侯國也在今掖縣有過鄉過亭寒浞既代羿乃處其子澆於過豳於庸庸亦曰戈在宋鄭之間迨靡滅浞立少康少康乃滅澆於過使季杼滅豳於庸有窮氏之裔遂亡豳斟尋氏夏同姓諸侯漢書曰斟尋在北海縣又路史齊南平壽古斟尋國羿既篡夏后仲康之子后相依斟尋氏豳是及浞殺羿命子澆滅之

甲父炎帝後亡其國名今昌邑東南有甲父亭傳有甲父之鼎

周

齊太公望呂尙從武王平殷亂初封於營邱今濰縣南三十里  
有營邱故城後遷臨淄曰齊

州姜姓公爵春秋桓公五年州公如曹左傳曰淳于公如曹蓋  
州公都淳于故又稱淳于公六年自曹來不復國州亡而杞  
遷居之謂之城陽卽今之高密近安邱境

萊姓未詳或云姜姓炎帝之後子爵蓋東方夷國也禹貢萊夷  
作牧太公就封時周室未定萊夷起兵來爭營邱春秋襄公  
二年齊伐萊萊使正輿子賂夙沙衛馬牛皆百匹齊師還六  
年齊晏弱圖萊萊其公浮柔奔棠晏弱圖棠滅之遷於邠萊  
卽今掖縣或云在黃縣

莒嬴姓子爵少皞之後茲興期武王封之於莒都介根後徙莒

州

介東夷國也春秋魯僖公二十九年介君葛盧兩朝於魯偶聞牛鳴曰是生三犧皆用之矣問牧者果然蓋能解鳥獸語也國在城陽黔陬卽今膠州

漢初

膠東王田市田儵子項羽分齊爲三國以市爲膠東王都卽墨後田榮殺市而自立

齊王田橫榮之弟也榮與項羽戰敗死羽復立假爲王橫亦立榮子廣爲王攻假假走廣立三年爲韓信擊殺國遂屬漢而

爲郡縣橫自立爲齊王都卽畢與漢戰敗走保海島高帝既定天下遣使召之橫自剄帝以王禮葬之

漢

齊悼惠王高祖微時外婦之子肥六年封爲齊王食七十餘城  
皇子哀王襄嗣薨子文王則嗣薨無子國除

膠東王雒渠高祖之孫齊悼惠王之子文帝十六年以白石侯  
進封膠東王都卽墨食卽墨昌武下密壯武都秩挺觀湯鄒  
盧八縣享國十一年景帝三年坐同吳楚反伏誅國除地入  
於漢爲膠東郡

膠西王卬齊悼惠王之子文帝十六年以平昌侯進封膠西王

都高密享國十一年景帝三年坐同吳楚反伏誅國除地入於漢爲膠西郡

膠西子王端景帝子以前三年封膠西王享國四十七年卒無子國除仍爲膠西郡

膠東康王寄景帝子先是景帝四年武帝封膠東王七年立爲太子申元三年遂封寄爲膠東王時淮南王安謀反而寄微聞其事私作兵車鏃矢戰守諸器備淮南之起及吏治淮南事辭侵及之寄於上最親自傷莫白發病而死謚曰康王不敢置後上聞寄有長子賢其母無節少子慶其母愛幸寄常欲立之爲非次又因有過遂無所言上憐之立賢爲膠東王

奉康王祀而封慶爲六安王賢卒諡哀王子通平嗣封卒諡  
戴王子音嗣封卒諡頃王子授嗣封卒諡其王子殷嗣封王  
莽時廢凡六傳享國一百五十八年

高密哀王宏武帝之孫廣陵厲王少子也宣帝本始元年封爲  
高密王食膠西郡高密等五縣卒諡哀王子章嗣封卒諡頃  
王子寬嗣封卒諡懷王子恆嗣封王莽時廢凡四傳享國八  
十二年

都昌侯朱軫以舍人從高祖起沛後入蜀以騎隊帥先降翟王  
董翳擒雍王章邯叙功封侯傳卒諡偃辟疆無子國除元孫  
先又復家後無傳

曲成侯蟲達以曲成戶將率三十七人從高祖起碭山至霸上  
入漢定三秦破項籍叙功封侯食四千戶楚漢春秋作掖侯  
蟲達蓋改封也掖與曲成皆屬東萊郡漢書註曲成有萬里  
沙今萬里沙乃在掖縣東北三十里蓋曲成併入掖也嗣封  
捷臯柔柔坐罪論鬼薪至元孫宣又復家後無傳

壯武侯宋昌以家吏從高祖起山東爲中尉勸文帝驂乘及卽  
位封以侯食膠東國壯武縣一千四百戶武帝四年以罪奪  
爵爲關內侯

平度侯行菑川懿王子武帝時封東萊郡平度縣嗣封慶忌師  
軍欽宗嘉儿八世國絕

臯虞侯建景帝之孫康王寄之子武帝時封琅邪郡臯虞縣嗣  
封定襄勲顯樂凡六世國絕

稻侯定悼惠王之孫齊孝王將闔之子武帝時封高密國稻縣  
嗣封陽都成閔丞凡六世國絕

博陸侯霍光武帝時以覺得謀反者馬何羅功侯三千戶今昌  
邑陸山卽食采之地也

溫水侯安國膠東哀王賢之子昭帝時封坐上書妖言免膠東  
國都卽墨縣卽墨東四十里有溫泉溫水之義取此

曲成侯萬歲中山靖王子武帝十二年封元鼎五年坐酎金免  
密鄉侯林膠東頃王音之子成帝時封嗣封欽敬凡三世國絕

高密侯其武帝之曾孫高密哀王宏之子成帝時封

膠東侯憇高密頃王章之子成帝時封

高陽侯竝宣帝之孫淮南憲王欽之子成帝時封

東漢

北海靖王興光武帝長兄續之次子建武二年封爲魯王以嗣

况仲後後徙爲北海王食劇等十八縣卒諡靖王子睦嗣封

少好學善書能屬文作春秋旨義終始論及賦頌數十篇卒

諡敬王子基嗣封卒諡哀王無傳庶子斟鄉侯威嗣封奉敬

王祀七年坐誹謗檻車徵詣廷尉道自殺無傳敬王孫普嗣

封普初爲壽光侯鄧太后封爲北海王奉敬王祀卒諡頃王

子翼嗣封卒謚恭王子某嗣封無後建安十一年國除凡七  
傳享國一百七十五年

汎鄉侯卓崇大傅褒德侯卓茂子建武四年襲爵徙封傳琴訖  
降四世無子國除

不其侯伏湛建武六年以功封不其侯食邑二千六百戶卒謚  
曰惠

高密侯錢咸從光武帝爲旗門將軍封高密侯

膠東侯賈復南陽冠軍人爲縣椽下江兵起聚衆數百歸漢渡  
河從光武帝擊青犢五校羣盜破之帝卽位爲執金吾封冠  
軍侯渡河攻朱鮪降之建武二年益封穰朝陽二縣十三年

定封膠東侯蕭宗時更封復小子邴爲膠東侯邴弟宗爲卽  
墨侯各一縣

高密侯鄧禹南陽新野人杖策從光武帝渡河運籌將兵入關  
拜大司徒建武元年封鄧侯食邑萬戶二年更封梁侯食四  
縣十三年以功高定封爲高密侯食高密夷安昌安淳于四  
縣

晉

高密文獻王泰司馬懿之弟武帝受禪封爲隴西王食邑三千  
三百戶後改封高密王食邑萬戶傳孝王畧恭王俊敬王純  
之恢之宋受禪國除凡五傳享國一百五十五年

東萊王勣司馬昭之孫齊獻王攸之子出繼叔父遼王後徙封  
東萊齊王罔秉政時襄密謀廢罔事覺死

宋

高密侯韋道福夙有志畧晉末任盱眙南浦二郡守領鎮北府  
錄事叅軍與徐州刺史薛安都密謀擁州附宋賜爵高密侯  
魏

北海王詳拓跋氏字季豫大和九年封後拜光祿大夫兼侍中  
車駕南伐詳行中領軍留守高祖崩顧命詳爲司空輔政世  
宗覽政遷侍中大將軍錄尚書事專政旣久以貪縱被逮暴

死

卷之六

名一

平壽伯唐永見人物

後周

萊王宇文弼宣帝之子

唐

東萊郡王泰因太子承乾與泰交惡謀反廢立晉王治爲皇太

子貶魏王泰爲東萊郡王

宋

萊國公寇準字平仲下邳人少英邁通春秋三傳十九舉進士

太宗時由叅知政事罷知鄧州真宗卽位累遷同中書門下

平章事契丹入寇請帝幸澶州渡河御北城門樓遠近望見